



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ars Bonæ Mortis. Sive: Quotidiana Erga Sanctissimam Dei Matrem Mariam Pietas

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, 1709

XV. Decembris.

[urn:nbn:de:hbz:466:1-50916](https://nbn-resolving.org/urn:nbn:de:hbz:466:1-50916)

S. Nicasius viginti dies natus, à Matre ad altare Deiparæ delatus, infantili linguâ in vocem resolutâ *Ave Maria* recitavit; nec dein totâ vitâ lingularem ejusdem cultum intermisit, maxime cum voce cœlesti ad monitus est, ut Basilicam Matrî viventium fundaret. *Nad. an. Cœl.* Amor in Mariam signum est vitæ.

S. Nicasii ora pro me Deiparam, ut liberet animam meam à labiis iniquis, & à lingua dolosa, ut linguam meam ejus laudibus impendam, sicq; merear ab illa defendi contra illos, qui animæ meæ nunc, & maxime in vitæ, termino, insidiabuntur. *O Sanctissima Dei, &c. fol. 190.*

Ad quod impetrandum: In memoriam instantis illius, quo Deipara sine macula concepta fuit, & dein 9. mensibus in utero requievit, novies *Ave Maria* recitabo.

Omnes mortui sunt peccatis, nemine prorsus excepto, demptâ Matre Dei, sive de originalib⁹, sive voluntate additis. *S. Ans. Comment. ad Cor.*

Quæstio: An Deipara fuerit prædestinata ante omnes alias creaturas?

XV. DECEMBRIS.

B. Victoria Cœlestinarum Monialium fundatrix, semper insignem erga Deiparam amorem alebat. Pollicita eidem est Deipara, se nullo loco ei defuturam. Ordinem à se conditum Virginis annunciatae dici voluit. Bis quotidie coram ejus icone prostrata oravit. *Fasti Mar.* Dulcis hora, & semper brevis est mora loqui cum amata. B. Vi-

B. Victoria, quæ semper in Protectione magnæ Dei Matris vixisti, ora pro me, ut ejusdem tutelam merear; contingat mihi tuis precibus id beneficii, ut unus è numero sim Mariam amantium, & ut amantis nomen etiam opeere tuear. O Sanctissima DEI, &c. fol. 190.

Ad quod impetrandum: Aliquid de immaculata Virginis conceptione hodie legere conabor.

Virgo Maria sine Tyranno concupiscentiæ peccati originalis fuit, quia sine eo concepta est. S. Bernard. Sen. to. 1. ser. 53.

Quæstio: Num Divo Josepho cognita fuerit sanctissimæ sponsæ suæ immaculata conceptio?

XVI. DECEMBRIS.

B. Theophania, deinde Imperatrix, cum se è sterili conjugio per preces ad Deiparam suas impetratam à Matre intellexit, peculiari semper studio in id incubuit, ut vitam, quam à Maria accepit, ejusdem honori consecraret. Indignè se victuram rata, nisi vitæ sospitatrici grata vixisset. Nad. Gratitude est novi beneficii impetratio.

B. Theophania ora pro me Deiparam, ut innumera ejus in me collata beneficia & agnoscam, & gratus recolam; nec mihi cesset benedicere, sed, quæ est benedicta inter mulieres, per benedictum fructum ventris sui, me quoque faciat à se esse benedictum. O Sanctissima Dei, &c. fol. 190.